

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKO VIJEĆE**

Broj: 01-

Datum:

NACRT

Na osnovu člana 68. stav 2. Zakona o vodama Federacije Bosne i Hercegovine ("Službene novine Federacije Bosne i Hercegovine", broj: 70/06), člana 40. stav 2. Zakona o vodama ("Službene novine ZDK", broj: 17/07), a u skladu sa članom 13. stav (2) Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdjevanje stanovništva ("Službene novine Federacije Bosne i Hercegovine", broj:88/12) i člana 14. Statuta Općine Tešanj («Službeni glasnik Općine Tešanj», broj: 11/07), Općinsko vijeće Tešanj na svojoj \_\_\_\_\_sjednici, održanoj \_\_\_\_\_2018. godine, donosi

**ODLUKU  
O ZONAMA SANITARNE ZAŠTITE I ZAŠTITNIM MJERAMA ZA IZVORIŠTE  
PRIRODNE MINERALNE VODE „PRINCESS“ ORAŠ PLANJE, OPĆINA TEŠANJ**

**DIO PRVI - OPĆE ODREDBE**

**Član 1.**

**(Predmet)**

- (1) Ovom Odlukom utvrđuju se granice zone sanitarne zaštite, zaštitne mjere, izvori i na in finansiranja zaštitnih mjera za izvorište prirodne mineralne vode „Princess“, nadzor nad provođenjem ove odluke i kaznene odredbe za povredu odredaba ove Odluke.
- (2) Ova odluka donosi se u cilju zaštite izvorišta prirodne mineralne vode „Princess“ od svih vidova zagađenja i štetnih uticaja koji mogu nepovoljno djelovati na zdravstvenu ispravnost vode za piće ili na izdašnost izvorišta.

**Član 2.**

**(Gramatička terminologija)**

Gramatička terminologija korištenja muškog i ženskog roda za pojmove u ovoj Odluci uključuje oba roda.

**Član 3.**

**(Naziv nadležnog organa i pravnog lica zaduženog za sprovođenje odluke)**

Za sprovođenje ove Odluke zadužuju se privredno društvo „Prirodni kiseljak Princess“ d.o.o. Tešanj (u daljem tekstu: Operater).

**Član 4.**

**(Naziv i lokacija izvorišta)**

- (1) Vodozahvatni objekat - Bunar BOP-1 sa rezervoarom i pumpnom stanicom nalazi se na lokaciji (x=6.494.194,00 ,y=4.941.998,00) sa rezervoarom i pumpnom stanicom.
- (2) Vodozahvat iz stava (1) ovog člana predstavlja vodozahvat podzemnih voda u kraškim akviferima.

**Član 5.**

**(Topografske karte odgovarajuće razmjere sa ucrtanim granicama zaštitnih zona)**

- (1) Sastavni dio Odluke su tabelarni i grafički prilozi na kojima su prikazane granice zona sanitarne zaštite izvorišta "Princess" .
- (2) Prilog 1.:Situacija sa ucrtanim zaštitnim zonama obilježenim odgovarajućim bojama u mjerilu 1: 5000 (Elaborat zaštita izvorišta mineralne vode "Princess" u Oraš Planjama, općina Tešanj, sačinjenim od strane "INPROS" d.o.o. Mostar, broj: ZZIZV 01-12/17 iz decembra 2017. godine) – u daljem tekstu Elaborat.

**Član 6.**  
**(Stručni elaborat)**

Zaštita bunara vrši se uspostavljanjem i održavanjem zona sanitarne zaštite i zaštitnih mjera, koji su utvrđeni u skladu sa lokalnim uslovima, na osnovu provedenih istražnih radova i stručnog elaborata - Elaborat zaštita izvorišta mineralne vode "Princess" u Oraš Planjama, općina Tešanj, sačinjenim od strane "INPROS" d.o.o. Mostar, broj: ZZIZV 01-12/17 iz decembra 2017. godine

**Član 7.**  
**(Razlozi utvrđivanja zona sanitarne zaštite)**

Utvrđivanje zona sanitarne zaštite i zaštitnih mjera određenih ovom Odlukom vrši se u cilju zaštite bunara prirodne mineralne vode „Princess“ iz kojeg će se vršiti eksploatacija vode za potrebe punionice vode „Prirodni kiseljak Princess“ d.o.o. Tešanj od svih vidova zagađenja i štetnih uticaja koji mogu nepovoljno djelovati na higijensku ispravnost vode za piće ili na izdašnost bunara .

**Član 8.**  
**(Uređenje prostora i primjena propisanih mjera zaštite)**

- (1) Urbanističko uređenje prostora, građenje, privredne, poljoprivredne i druge djelatnosti mogu se vršiti samo na način i u mjeri koji su utvrđeni ovom odlukom.
- (2) Privredna društva, federalni, kantonalni i opštinski organi uprave, druga pravna lica i građani dužni su pridržavati se odredbi ove odluke i primjenjivati propisane mjere zaštite.

**DIO DRUGI - ZONE SANITARNE ZAŠTITE I ZAŠTITNE MJERE**

**Član 9.**  
**(Zone sanitarne zaštite)**

- (1) U skladu sa članom 7. Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdjevanje stanovništva ("Službene novine Federacije Bosne i Hercegovine", broj: 88/12), izvorište "Princess" predstavlja vodozahvat podzemnih voda u kraškim akviferima.
- (2) Za izvorište "Princess" Oraš Planje utvrđuju se tri zone sanitarne zaštite i to:
  1. I zaštitna zona – zona najstrožijeg režima zaštite;
  2. II zaštitna zona – zona ograničenog režima zaštite;
  3. III zaštitna zona kao zona sa umjerenim zabranama i ograničenjima;
- (3) Osim uspostavljanja zaštitnih zona kao jedna od mjera zaštite i kontrole propisanih mjera neophodno je uspostaviti sistem monitoringa i dojave prilikom pojave ekscenih situacija.

**POGLAVLJE I**  
**I zaštitna zona (zona najstrožijeg režima zaštite)**

**Član 10.**  
**(Područje i granice I zaštitne zone)**

- (1) Granica prve zaštitne zone izvorišta prirodne mineralne vode „Princess“ određena je u skladu sa članom 7. Pravilnika u kojem je propisano da granica prve zone zaštite bude udaljena ne manje od 10m od vanjskih kontura vodozahvatnog objekta. (stav 2. član 7. Pravilnika).
- (2) Prva zaštitna zona izvorišta prirodne mineralne vode „Princess“ obuhvata prostor oko vodozahvatnog objekta i njegovog zaleđa, kojim se vodozahvatni objekat štiti od slučajnog ili namjernog zagađenja ili oštećenja.
- (3) Granica I zaštitne zone proteže se oko vodozahvatnog objekta-bunara BOP-1 na izvorištu.
- (4) Na zemljištu prve zaštitne zone izvorišta prirodne mineralne vode „Princess“ nalazi na Bunar BOP-1 sa rezervoarom i pumpnom stanicom na lokaciji koja je označena koordinatnim tačkama (x=6.494.194,00; y=4.941.998,00).
- (5) Granica prve zaštitne zone izvorišta prirodne mineralne vode „Princess“ prikazana je na karti razmjere 1:2500 u Elaboratu.

## **Član 11.**

### **(Vlasništvo nad zemljištem I zaštitne zone)**

Područje I zaštitne zone izvorišta "Princess" Oraš Planje nalazi se na području općine Tešanj i u vlasništvu su Zaimović (Hasana) Ferida, vlasnika firme „Prirodni kiseljak Princess“ d.o.o. Tešanj.

## **Član 12.**

### **(Objekti u I zaštitnoj zoni)**

- (1) Na području I zaštitne zone nalaze se slijedeći objekti: Bunar BOP-1 sa rezervoarom i pumpnom stanicom.
- (2) Na objektu iz tačke 1. prethodnog stava ovoga člana nalaze se pripadajuće armature, elektro instalacije, oprema i druga pripadajuća oprema.
- (3) Pored objekta iz stava 1. ovoga člana, na području I zaštitne zone mogu se, uz primjenu propisanih mjera zaštite, graditi ili nalaziti i drugi vodoprivredni objekti, kao što su vodozahvatni objekti, rezervoari, pumpne stanice, trafo-stanice, administrativni objekti, prilazni i unutrašnji putevi i drugi objekti koji su neophodni za rad sistema za vodosnabdijevanje.

## **Član 13.**

### **(Vlasništvo nad objektima u I zaštitnoj zoni)**

- (1) Vodoprivredni i drugi objekti iz člana 12. ove odluke i njima propadajuća oprema u vlasništvu su privrednog društva „Prirodni kiseljak Princess“ d.o.o. Tešanj.
- (2) Vlasnik prethodno opisanih objekata i opreme je ujedno i Operater vodovodnog sistema.
- (3) Operater iz stav 1. ovog člana nadležan je za sprovođenje svih zaštitnih mjera propisanih ovom odlukom na području I zaštitne zone.

## **Član 14.**

### **(Mjere fizičke zaštite I zaštitne zone)**

- (1) Operater je obavezan ograditi područje I zaštitne zone ogradom ne nižom od 2m i dužan je istaći upozorenje o zabrani neovlaštenog pristupa te drugim potrebnim mjerama fizičke zaštite i osiguranja zaštititi područje I zone.
- (2) Ograda iz prethodnog stava ovog člana mora biti izvedena na način da spriječi neovlašteni ili nasilni ulazak na područje I zaštitne zone.

## **Član 15.**

### **(Obilježavanje I zaštitne zone)**

Operator je dužan na odgovarajući način obilježiti I zaštitnu zonu, što naročito uključuje naziv vodozahvatnog objekta i zaštitne zone, naziv vlasnika i korisnika, broj dežurnog telefona za hitne slučajeve i upozorenje o zabrani neovlaštenog pristupa.

## **Član 16.**

### **(Pristup na područje I zaštitne zone)**

- (1) Pristup ograđenim prostorima unutar I zaštitne zone dozvoljen je samo zaposlenim licima koje odredi Operater vodovodnog sistema, nadležnim inspeksijskim organima za vrijeme vršenja kontrole, kao i drugim licima uz posebnu dozvolu i evidenciju Operatera vodovodnog sistema.
- (2) Sva lica iz stava (1) ovog člana moraju posjedovati odgovarajuće propusnice kako bi mogli pristupiti prostoru I zaštitne zone. Vrste propusnica i uslovi njihovog izdavanja utvrđuju se "Općim aktima" Operatera.

## **Član 17.**

### **(Obaveza periodičnog liječničkog pregleda)**

Lica koja stalno ili povremeno rade na objektima unutar I zaštitne zone moraju biti podvrgnuta periodičnim liječničkim pregledima, u skladu sa odgovarajućim propisima o sanitarnoj zaštiti.

## **Član 18.**

### **(Zaštitne mjere na području I zaštitne zone izvorišta i režim zaštite)**

- (1) Mjere sanitarne zaštite u I zaštitnoj zoni utvrđuju se u skladu sa odredbama Pravilnika o uslovima za određivanje zona sanitarne zaštite i zaštitnih mjera za izvorišta voda koje se koriste ili planiraju da koriste za piće.

(2) U I zaštitnoj zoni uspostavlja se najstrožiji režim zaštite, pri čemu se ne dozvoljavaju nikakve aktivnosti koje nisu u vezi sa radom vodoprivrednih objekata za vodosnabdijevanje. Zbog toga se na području I zaštitne zone izvorišta i vodozahvatnih objekata mogu nalaziti samo objekti i oprema koji su neophodni za rad.

(3) U I zaštitnoj zoni dopuštena je, uz standardne mjere zaštite:

a) Izgradnja kanalizacije i drugih infrastrukturnih instalacija koje omogućuju redovno funkcionisanje objekata vodozahvatnog područja;

b) Prirodni uzgoj trave bez upotrebe đubriva i drugih agrotehničkih sredstava;

(4) Rad vodoprivrednih i ostalih objekata bunara BOP-1 Oraš Planje, kao i njima pripadajuće opreme, mora se obavljati uz primjenu propisanih mjera zaštite, kako ne bi došlo do ugrožavanja izvorišta tokom rada u normalnim i vanrednim situacijama.

## POGLAVLJE II

### II zaštitna zona (zona strogog režima zaštite)

#### Član 19.

##### (Područje i granice II zaštitne zone)

(1) Područje II zaštitne zone izvorišta "Princess" Oraš Planje obuhvata prostor od vanjske granice I zaštitne zone do vanjske granice II zaštitne zone, na udaljenosti cca 50 m. Vanjska granica II zaštitne zone označena je koordinatnim tačkama:

Tačka	X	Y
1	6.494.157,66	4.942.002,88
2	6.494.168,72	4.942.010,07
3	6.494.186,75	4.942.015,11
4	6.494.192,00	4.942.015,02
5	6.494.211,49	4.942.011,26
6	6.494.215,01	4.942.010,74
7	6.494.236,40	4.942.000,99
8	6.494.241,38	4.942.012,44
9	6.494.240,10	4.942.020,32
10	6.494.238,81	4.942.028,14
11	6.494.235,62	4.942.034,52
12	6.494.231,51	4.942.040,26
13	6.494.228,17	4.942.042,60
14	6.494.220,74	4.942.045,30
15	6.494.170,77	4.942.058,12
16	6.494.163,87	4.942.057,79
17	6.494.156,41	4.942.051,52
18	6.494.150,50	4.942.042,01
19	6.494.148,03	4.942.037,82
20	6.494.143,76	4.942.030,34
21	6.494.143,66	4.942.026,46
22	6.494.150,16	4.942.016,16

(2) Ukupna površina II zaštitne zone mineralne vode „Princess“ ima površinu oko 0,3669 ha.

(3) Zemljište druge zaštitne zone izvorišta prirodne mineralne vode nalazi se na parcelama označenim kao k.č.. 577/1, 577/2 i 577/4 k.o. Oraš Planje u vlasništvu Zaimović (Hasana) Ferida, vlasnika firme „Prirodni kiseljak Princess“ d.o.o. Tešanj.

(4) Unutar druge zaštitne zone izvorišta prirodne mineralne vode „Princess“ nalaze se površine pogona za pakovanje mineralne vode i manjim dijelom područje je pod šumom.

(5) Situacioni položaj druge zaštitne zone izvorišta "Princess" prikazan je na Situaciji sa ucrtanim zaštitnim zonama obilježenim odgovarajućim bojama u mjerilu 1:2500 iz Elaborata.

## Član 20.

### (Zabranjene i ograničenja u II zaštitnoj zoni)

(1) Na području II zaštitne zone za sve aktivnosti se propisuju nivoi ograničenja i zabrana u skladu sa Prilogom 1. Pravilnika. Oznaka "Z" u Prilogu 1. podrazumijeva da su sve nabrojane aktivnosti pod tom oznakom zabranjene, oznaka "S" podrazumijeva da su sve nabrojane aktivnosti pod tom oznakom dopuštene uz standardne mjere zaštite, oznaka "SD" podrazumijeva da su sve nabrojane aktivnosti pod tom oznakom dopuštene uz standardne i dodatne mjere zaštite.

(2) Oznaka (Z) Priloga 1. Pravilnika znači zabranjuje se, a odnosi se na slijedeće:

- a) Izgradnja novih urbanih naselja;
- b) Proširenje postojećih urbanih naselja;
- c) Individualna stambena izgradnja uz korištenje samostalnih sistema za tretman otpadnih voda (npr. septičke jame);
- d) Izvođenje ili obavljanje bilo kakvih aktivnosti koje izazivaju i/ili pospješuju eroziju tla;
- e) Iskopi u vodonosnom sloju;
- f) Izgradnja i rad kamenoloma i drugih pozajmišta materijala;
- g) Minerski i drugi građevinski radovi koji nisu u funkciji vodosnabdijevanja, a koji mogu poremetiti kompoziciju vodonosnih slojeva;
- h) Izvođenje istražnih radova za naftu, mineralne vode, zemni plin kao i druge materije koje mogu ugroziti kvalitet vode na izvorištu;
- i) Transformatorske stanice i manevarski vojni poligoni;
- j) Izgradnja novih, korištenje ili proširenje postojećih grobalja;
- k) Ispuštanje nepročišćenih urbanih otpadnih voda;
- l) Izgradnja i rad postrojenja za tretman urbanih otpadnih voda;
- m) Odlaganje bilo kakvog čvrstog, građevinskog, komunalnog i drugog otpada;
- n) Izgradnja i rad sanitarnih deponija;
- o) Izgradnja i rad postrojenja za tretman mulja u sastavu postrojenja za tretman otpadnih voda;
- p) Izgradnja i rad postrojenja za tretman životinjskog otpada;
- r) Podzemna i površinska eksploatacija mineralnih sirovina, izgradnja i rad objekata za deponovanje, mljevenje i preradu sirovina i jalovine;
- s) Izvođenje istražnih i eksploatacionih bušotina za naftu i zemni gas;
- t) Izvođenje istražnih radova i eksploatacija radioaktivnih tvari;
- u) Industrijski pogoni opasni po kvalitet vode /rafinerije, pogoni: metalne industrije, hemijske industrije, gumarske industrije, industrije papira i celuloze, kožarske industrije i prehrambene industrije;
- v) Podzemna i površinska eksploatacija mineralnih sirovina, izgradnja i rad objekata za deponovanje, mljevenje i preradu sirovina i jalovine;
- z) Izvođenje istražnih i eksploatacionih bušotina za naftu i zemni gas;
- aa) Izvođenje istražnih radova i eksploatacija radioaktivnih tvari;
- ab) Industrijski pogoni opasni po kvalitet vode /rafinerije, pogoni: metalne industrije, hemijske industrije, gumarske industrije, industrije papira i celuloze, kožarske industrije i prehrambene industrije;
- ac) Gasne, termo i nuklearne elektrane;
- ad) Industrijska skladišta i deponije (industrijskih sirovina i hemikalija opasnih za vode, radioaktivnih tvari i otpada, šljake i pepela, industrijskog otpada opasnog za kvalitet vode);
- ae) Prikupljanje i tretman industrijskih otpadnih voda (izgradnja i rad industrijskih kanalizacionih sistema, izgradnja i rad postrojenja za tretman otpadnih voda i ispuštanje ili akumuliranje neprečišćenih industrijskih otpadnih i rashladnih voda);
- af) Izgradnja autocesta i cesta rezervisanih za motorni saobraćaj;
- ag) Izgradnja depoa za teška vozila;
- ah) Izgradnja i rad autobusnih stanica i terminala;
- ai) Izgradnja željezničkih pruga, ranžirnih stanica i terminala;
- aj) Izgradnja i rad aerodroma ili poletno-sletnih staza za korištenje u zračnom saobraćaju;
- ak) Izgradnja i rad cjevovoda za transport tekućina opasnih za kvalitet vode;
- al) Cestovni transport hemikalija, tečnih goriva i drugih opasnih materija;

- am) Nadzemni ili podzemni spremnici;
- an) Pretakališta;
- ao) Benzinske stanice uz prometnice;
- ap) Intenzivna stočarska i peradarska proizvodnja;
- ar) Deponovanje čvrstog ili tečnog stajnjaka za pojedinačna domaćinstva;
- as) Intenzivna ispaša stoke;
- at) Napajanje stoke iz površinskih vodotoka;
- au) Skladištenje đubriva i pesticida;
- av) Poljoprivredna proizvodnja praćena intenzivnim korištenjem vještačkih đubriva, stajnjaka, pesticida, herbicida i insekticida;
- az) Navodnjavanje prečišćenim otpadnih vodama;
- aaa) Nekontrolisana sječa i krčenje šume;

(3) Oznaka "SD" Priloga 1. Pravilnika znači dopuštene aktivnosti na području II zaštitne zone uz standardne i dodatne mjere zaštite:

- a) Održavanje postojećih građevinskih objekata bez promjene namjene;
- b) Izgradnja urbanih prometnica i pripadajućih objekata (parkirališta, mostova, tunela, ...);
- c) Skladištenje ograničenih količina lož ulja ili pogonskog goriva za poljoprivredne strojeve za potrebe individualnih domaćinstva;
- d) Stočarska i peradarska proizvodnja za vlastite potrebe pojedinačnih domaćinstava;
- e) Izgradnja i rad sportsko-rekreacionih i banjsko-lječilišnih objekata;
- f) Kampovanje ili drugi vid organizovanog okupljanja ljudi u prirodi;
- g) Izgradnja i rad otvorenih sportskih terena;

(4) Oznaka "S" Priloga 1. Pravilnika znači dopuštene aktivnosti na području II zaštitne zone uz standardne mjere zaštite:

- a) Deponiranje industrijskog otpada bezopasnog za kvalitet vode;
- b) Poljoprivredna proizvodnja zdrave hrane bez korištenja vještačkih đubriva, stajnjaka, pesticida, herbicida i insekticida;
- c) Prirodni uzgoj trave bez upotrebe đubriva i drugih agrotehničkih sredstava;
- d) Kontrolisana sječa i krčenje;
- e) Rekreacioni i sportski ribolov.

#### **Član 21.**

##### **(Uslovi za postojeće objekte i sanitarne otpadne vode u II zaštitnoj zoni)**

Na području II zaštitne zone zabranjena je izgradnja novih urbanih naselja kao i proširenje postojećih, zatim individualna izgradnja stambenih objekata uz korištenje samostalnih sistema za tretman otpadnih voda (npr. septičke jame). Zabranjeno je i izvođenje ili obavljanje bilo kakvih aktivnosti koje izazivaju ili pospješuju eroziju tla kao i bilo kakva iskopavanja u vodonosnom sloju.

### **POGLAVLJE III**

#### **III zaštitna zona – zona ograničenog režima zaštite**

#### **Član 22.**

##### **(Područje i granice III zaštitne zone)**

- (1) Područje III zaštitne zone izvorišta "Princess" obuhvata prostor od vanjske granice II zaštitne do vanjske granice III zaštitne zone.
- (2) Unutrašnja granica III zaštitne zone je definisana vanjskom granicom II zaštitne zone.
- (3) Područje III zaštitne zone izvorišta "Princess" obuhvata prostor unutar hidrogeološkog sliva bunara, čija vanjska granica je utvrđena koordinatnim tačkama:

Tačka	X	Y
1	6.494.016,85	4.942.152,68
2	6.494.921,34	4.942.935,25
3	6.493.020,16	4.942.855,49

4	6.493.048,42	4.942.838,06
5	6.493.084,67	9.492.816,15
6	6.493.113,44	4.942.761,99
7	6.493.221,18	4.941.742,72
8	6.493.330,07	4.941.785,79
9	6.493.359,54	4.941.912,89
10	6.493.335,90	4.941.008,89
11	6.493.274,54	4.941.133,62
12	6.493.201,73	4.941.154,92
13	6.493.088,49	4.941.161,56

(4) Ukupna površina III zaštitne zone iznosi 12,745 ha.

(5) Situacioni položaj treće zaštitne zone izvorišta "Princess" prikazan je na Situaciji sa ucrtanim zaštitnim zonama obilježenim odgovarajućim bojama u mjerilu 1:5000 iz Elaborata.

### Član 23.

#### (Zabrane i ograničenja u III zaštitnoj zoni)

(1) Na području III zaštitne zone za sve aktivnosti se propisuju nivoi ograničenja i zabrana u skladu sa Prilogom 1. Pravilnika. Oznaka "Z" u Prilogu 1. podrazumijeva da su sve nabrojane aktivnosti pod tom oznakom zabranjene, oznaka "S" podrazumijeva da su sve nabrojane aktivnosti pod tom oznakom dopuštene uz standardne mjere zaštite, oznaka "SD" podrazumijeva da su sve nabrojane aktivnosti pod tom oznakom dopuštene uz standardne i dodatne mjere zaštite.

(2) Oznaka (Z) Priloga 1. Pravilnika znači zabranjuje se, a odnosi se na slijedeće:

- a) Iskopi u vodonosnom sloju;
- b) Izgradnja i rad kamenoloma i drugih pozajmišta materijala;
- c) Minerski i drugi građevinski radovi koji nisu u funkciji vodosnabdijevanja, a koji mogu poremetiti kompoziciju vodonosnih slojeva;
- d) Izvođenje istražnih radova za naftu, mineralne vode, zemni plin kao i druge materije koje mogu ugroziti kvalitet vode na izvorištu;
- e) Izgradnja anevarskih i vojnih poligona;
- f) Izgradnja novih, korištenje ili proširenje postojećih grobalja;
- g) Ispuštanje nepročišćenih urbanih otpadnih voda;
- h) Odlaganje bilo kakvog čvrstog, građevinskog, komunalnog i drugog otpada;
- i) Izgradnja i rad sanitarnih deponija;
- j) Izvođenje istražnih i eksploatacionih bušotina za naftu i zemni gas;
- k) Izvođenje istražnih radova i eksploatacija radioaktivnih tvari;
- l) Rafinerije;
- m) Pogoni hemijske industrije;
- n) Rad nuklearnih elektrana;
- o) Skladištenje industrijskih sirovina i hemikalija opasnih za vodu;
- p) Skladištenje i deponovanje radio-aktivnih tvari i otpada;
- r) Deponije industrijskog otpada opasnog za kvalitete vode na izvorištu;
- s) Ispuštanje ili akumuliranje neprečišćenih industrijskih otpadnih i rashladnih voda;
- t) Izgradnja depoa za teška vozila;
- u) Izgradnja i rad aerodroma ili poletno-sletnih staza za korištenje u zračnom saobraćaju;
- v) Izgradnja i rad cjevovoda za transport tekućina opasnih za kvalitet vode;
- z) Nadzemni ili podzemni spremnici;
- aa) Pretakališta;
- ab) Skladištenje đubriva i pesticida;
- ac) Poljoprivredna proizvodnja praćena intenzivnim korištenjem vještačkih đubriva, stajnjaka, pesticida, herbicida i insekticida;
- ad) Navodnjavanje prečišćenim otpadnim vodama;
- ae) Nekontrolisana sječa i krčenje šume.

(2) Oznaka (SD) Priloga 1. Pravilnika znači dopuštene aktivnosti na području III zaštitne zone uz standardne i dodatne mjere zaštitea odnosi se na sljedeće:

- a) Izgradnja novih urbanih naselja;
- b) Proširenje postojećih urbanih naselja;
- c) Individualna stambena izgradnja uz korištenje samostalnih sistema za tretman otpadnih voda (npr. septičke jame);
- d) Izvođenje ili obavljanje bilo kakvih aktivnosti koje izazivaju i/ili pospešuju eroziju tla;
- e) Izvođenje istražnih radova za naftu, mineralne vode, zemni plin kao i druge materije koje mogu ugroziti kvalitet vode na izvorištu;
- f) Izgradnja transformatorske stanice;
- g) Izgradnja novih, korištenje ili proširenje postojećih groblja ;
- h) Izgradnja i rad postrojenja za tretman urbanih otpadnih voda;
- i) Izgradnja i rad postrojenja za tretman mulja u sastavu postrojenja za tretman otpadnih voda;
- j) Izgradnja i rad postrojenja za tretman životinjskog otpada;
- k) Podzemna i površinska eksploatacija mineralnih sirovina, izgradnja i rad objekata za deponovanje, mljevenje i preradu sirovina i jalovine;
- l) Pogoni: metalne industrije, gumarske industrije, industrije papira i celuloze, kožarske industrije i prehrambene industrije;
- m) Rad termoelektrane i gasne elektrane;
- n) Skladištenje i deponovanje šljake i pepela;
- o) Deponovanje industrijskog otpada bezopasnog za kvalitet vode na izvorištu;
- p) Izgradnja i rad industrijskih kanalizacionih sistema i postrojenja za tretman otpadnih voda;
- r) Izgradnja urbanih prometnica i pripadajućih objekata (parkirališta, mostova, tunela, ...);
- s) Izgradnja autocesta i cesta rezervisanih za motorni saobraćaj;
- t) Izgradnja i rad autobusnih stanica i terminala;
- u) Izgradnja željezničkih pruga, ranžirnih stanica i terminala;
- v) Cestovni transport hemikalija, tečnih goriva i drugih opasnih materija;
- z) Benzinske stanice uz prometnice;
- aa) Skladištenje ograničenih količina lož ulja ili pogonskog goriva za poljoprivredne strojeve za potrebe individualnih domaćinstva;
- ab) Intenzivna stočarska i peradarska proizvodnja;
- ac) Stočarska i peradarska proizvodnja za vlastite potrebe pojedinačnih domaćinstava;
- ad) Deponovanje čvrstog ili tečnog stajnjaka za pojedinačna domaćinstva;
- ae) Intenzivna ispaša stoke;
- af) Napajanje stoke iz površinskih vodotoka;
- ag) Izgradnja i rad sportsko-rekreacionih i banjsko-lječilišnih objekata;
- ah) Kampovanje ili drugi vid organizovanog okupljanja ljudi u prirodi;
- ai) Izgradnja i rad otvorenih sportskih terena;
- aj) Izgradnja i rad igrališta za golf;
- ak) Izgradnja i rad skijališta.

(3) Oznaka (S) Priloga 1. Pravilnika znači dopuštene aktivnosti na području III zaštitne zone uz standardne mjere zaštitea odnosi se na sljedeće:

- a) Održavanje postojećih građevinskih objekata bez promjene namjene;
- b) Poljoprivredna proizvodnja zdrave hrane bez korištenja vještačkih đubriva, stajnjaka, pesticida, herbicida i insekticida;
- c) Prirodni uzgoj trave bez upotrebe đubriva i drugih agrotehničkih sredstava;
- d) Kontrolisana sječa i krčenje;
- e) Rekreacioni i sportski ribolov.

#### **Član 24.**

##### **(Uslovi za postojeće objekte i sanitarne otpadne vode u III zaštitnoj zoni)**

- (1) Na području III zaštitne zone mogu ostati postojeći stambeni i vikend objekti, kao i individualni objekti za uzgoj stoke i peradi.
- (2) Na objektima iz stav (1) dozvoljeni su radovi usmjereni na tekuće održavanje, a u skladu sa uslovima definisanim aktom o građenju, izdatim od strane nadležnog organa.



(3) Sanitarne otpadne vode iz objekata na području III zaštitne zone iz stava (1) ovog člana moraju se prikupljati i transportovati propisno projektovanim i izvedenim kanalizacionim sistemom. Kanalizacioni sistem mora biti vodonepropustan na području III zaštitne zone.

(4) U slučaju kada se ne vrši prečišćavanje prikupljenih sanitarnih otpadnih voda iz prethodnog stava ovog člana, sanitarne otpadne vode moraju se ispustiti izvan područja I, II i III zaštitne zone vodozahvata.

## **POGLAVLJE IV - NADZOR NAD PROVOĐENJEM OVE ODLUKE**

### **Član 25.**

#### **(Upravni nadzor)**

Upravni nadzor nad provođenjem ove Odluke vrše nadležni organi Zeničko-dobojskog kantona i Općine Tešanj.

### **Član 26.**

#### **(Inspeksijski nadzor)**

Inspeksijski nadzor nad provođenjem ove Odluke odnosno nad provođenjem režima i mjera zaštite propisanih ovom Odlukom vrše federalni, kantonalni i općinski inspeksijski organi u skladu sa važećim zakonskim propisima.

### **Član 27.**

#### **(Monitoring kvaliteta i kvantiteta vode na vodozahvatu)**

Plan aktivnosti vezanih za monitoring kvaliteta, kvantiteta i zaštite vode izvorišta "Princess" Oraš Planje će se ogledati u slijedećem:

- a) Redovno uzimanje uzoraka za fizikalno-hemijska i bakteriološka ispitivanja kvaliteta vode na izvorištu u skladu ažećim zakonskim propisima i na osnovu njih praćenje promjena kvaliteta vode;
- b) Redovno praćenje količina vode koja se crpi iz bunara i distribuiru u potošnju;
- c) Uspostavljanje automatskog monitoringa zaštite izvorišta instaliranjem odgovarajućih sondi u eksploatacionom bunaru.

### **Član 28.**

#### **(Izvori i način finansiranja provođenja zaštitnih mjera)**

Finansiranje i realizaciju provođenja zaštitnih mjera vodozahvata izvorišta "Princess" Oraš Planje osigurat će Operater vodovodnog sistema firma „Prirodni kiseljak Princess“ d.o.o. Tešanj. Ukoliko kod sprovođenja mjera zaštite izvorišta iz ove Odluke nastupe štete ili štetne posljedice za vlasnike nekretnina proistekle iz zabrana ili ograničenja, koncesionar izvorišta "PRINCESS" dužan je vlasnike obešteti.

### **Član 29.**

#### **(Rokovi za primjenu pojedinih mjera)**

- (1) Na područjima I, II i III zaštitne zone izvršit će se uređenje prostora i provođenje zaštitnih mjera u skladu sa ovom odlukom i projektom zaštite u roku od tri godine od dana njenog donošenja.
- (2) Operater je dužan izvršiti radnje iz člana 14. i 15. ove odluke u roku od tri mjeseca od dana njenog donošenja.
- (3) Kanalizacioni sistem iz člana 24. ove odluke moraju se izvesti u roku od pet godine od dana donošenja ove odluke.

## **POGLAVLJE V - KAZNE NE ODREDBE**

### **Član 30.**

#### **(Novčana kazna za pravna lica)**

- (1) Novčanom kaznom od 1.000 do 10.000 KM kaznit će se za prekršaj pravno lice:
  - a) ako vrši izvođenje radova, izgradnju ili rekonstrukciju objekata ili obavlja aktivnosti protivno zaštitnim mjerama propisanim članovima 18., 20., 21., 23. i 24. ove Odluke;
  - b) ako ne postupi u skladu sa čl. 14., 15., 16. i 17. ove Odluke;
  - c) ako ne izvrši ili neblagovremeno izvrši radnje iz člana 29. stav 1. i 2. ove Odluke.
- (2) Za prekršaj iz stava 1. ovog člana kaznit će se i odgovorno lice u pravnom licu novčanom kaznom u iznosu od 100 do 1.000 KM.

### **Član 31.**

#### **(Novčana kazna za fizička lica)**

Novčanom kaznom od 100 do 1.500 KM kaznit će se za prekršaj fizičko lice:

a) ako vrši izvođenje radova, izgradnju ili rekonstrukciju objekata ili obavlja aktivnosti protivno zaštitnim mjerama propisanim u članu. 18., 20., 21., 23. i 24. ove Odluke;

### **DIO TREĆI - PRELAZNE I ZAVRŠNE ODREDBE**

### **Član 32.**

#### **(Obaveza usklađivanja planskih dokumenta)**

(1) Služba za upravu općina Tešanj nadležne za prostorno uređenje i građenje u postupku izdavanja urbanističke saglasnosti, odobrenja za građenje i upotrebne dozvole po propisima iz oblasti prostornog uređenja, te pojedinačne uprvne akte, izdavaće uz prethodno pribavljanje vodnih akata.

(2) Općina Tešanj dužna je uskladiti planska dokumenta sa odredbama ove odluke u roku od 6 mjeseci od dana njenog donošenja.

### **Član 33.**

#### **(Stupanje na snagu)**

Ova odluka stupa na snagu danom donošenja i objavit će se u "Službenom glasniku Općine Tešanj".

**PREDSJEDAVAJUĆI VIJEĆA**

Senad Subašić, dipl.oec.

## Obrazloženje

### PRAVNI OSNOV

Pravni osnov za donošenje Odluke o zonama sanitarne zaštite i zaštitnim mjerama za izvorište prirodne mineralne vode „Princess“ Oraš Planje, općina Tešanj sadržan je u članovima 68. stav 2. Zakona o vodama ("Službene novine Federacije Bosne i Hercegovine", broj: 70/06), članu 40. stav 2. Zakona o vodama ("Službene novine ZE-DO kantona", broj 17/07) i članu 13. stav 2. Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnadbijevanje stanovništva ("Službene novine Federacije Bosne i Hercegovine", broj: 88/12).

### Razlozi za donošenje


Sva označena zakonska rješenja upućuju vlasnika izvorišta da je dužan u cilju zaštite zdravstvene ispravnosti vode namjenjene za piće te u cilju zaštite izdašnosti izvorišta utvrditi zone sanitarne zaštite.

U skladu s tim „Prirodni kiseljak Princess“ d.o.o. Tešanj kao koncesionar vode za izvorište na lokalitetu Oraš Planje, općina Tešanj a u skladu sa članom 15. Pravilnika podnijela je zahtjev za usaglašavanje zona sanitarne zaštite izvorišta sa odredbama novog Pravilnika. Naime, za „Prirodni kiseljak Princess“ d.o.o. je donesena Odluka o zaštiti izvorišta prirodne mineralne vode “Oraš Planje”, od strane Vlade Zeničko-dobojskog kantona broj: 02-25-16235/06 od 12.07.2006. godine. Stupanjem na snagu novog Pravilnika obaveza je da se za sva izvorišta za koja je odluka o zaštiti izvorišta donesena prije stupanja na snagu novog Pravilnika u roku od pet godina izvrši usklađivanje sa odredbama ovog Pravilnika.

Uz zahtjev „Prirodni kiseljak Princess“ d.o.o. Tešanj je priložilo “Elaborat zaštita izvorišta mineralne vode "Princess" u Oraš Planjama, općina Tešanj", sačinjenim od strane "INPROS" d.o.o. Mostar, broj: ZZIZV 01-12/17 iz decembra 2017. godine.

U skladu s odredbama člana 40. Zakona o vodama Zeničko-dobijškog kantona, pripremljena je Odluka o zaštitnim zonama i zaštitnim mjerama za izvorište mineralne vode "Princess" općina Tešanj, kojom su određena lica zadužena za provođenje Odluke, lokacija izvorišta, topografska karta, granica zaštitne zone, sanitarni i drugi uslovi provođenja ljudskih aktivnosti u zaštitnoj zoni uz detaljan opis mjera zaštite, zabrana ili ograničenja, odredbe o vršenju nadzora nad provođenjem režima zaštite i zaštitnih mjera, provođenje zaštitnih mjera sa rokovima i kaznene odredbe.

**OBRADIVAČ**  
Služba za finansije, privredu,  
komunalne i inspekcijske poslove  
Hamzalija Hojkurić, dipl. ecc.



**PREDLAGAČ**  
OPĆINSKI NAČELNIK  
Mr. sci. Suad Huskić

Broj: 02-25-2-484/18  
Datum: 05.06.2018. god.